

Ysgol Treganna

Cylchlythyr Wythnosol



Croeso nol!

Croeso nol i bawb a Blwyddyn Newydd Dda!

Rydyn ni'n edrych ymlaen at dymor prysur a chyffrous! Croeso arbennig i'r plant meithrin newydd sydd yn dechrau yn yr ysgol tymor yma. Rydym wedi danfon "Dyddiadau Pwysig y Tymor" allan heddiw ond byddwn yn ychwanegu manylion am wibdeithiau a sesiynau Dathlu Dysgu yn ystod y tymor. Cofiwch am y Cyswllt Wythnosol sy'n dod allan bob dydd Mawrth ble mae gwybodaeth benodol am ddigwyddiadau pob dosbarth yn cael ei rannu.

Sioe Mary Poppins

Wythnos yma cafodd disgyblion Bl 5 a 6 gyfle i wyllo'r sioe gerdd "Mary Poppins" yng Nghanolfan y Mileniwm, Bae Caerdydd. Roedd yn brofiad anhygoel i'r disgyblion a diolch i'r staff am drefnu ac i bawb aeth gyda'r disgyblion i'r theatr.

Carol yr Ŵyl

Llongyfarchiadau mawr i gôr disgyblion Bl 5 a 6 am ddod yn ail yng nghystadleuaeth S4C "Carol yr Ŵyl". Roedd y disgyblion wedi mwynhau'n fawr y profiad o ffilmio a pherfformio'r garol. Diolch i'r holl staff am eu gwaith yn paratoi'r disgyblion am y gystadleuaeth yma, ac i chi rhieni am eich cefnogaeth.

Calendr

Clybiau yn ail
ddechrau
12.1.26

Bore Agored y
Feithrin
23.1.26

Colorfoto
Lluniau
dosbarthiadau
2.2.26

Eisteddfod yr Urdd

Mae hi'n dymor Eisteddfod yr Urdd unwaith eto!

Beth yw Eisteddfod yr Urdd?

Mae Eisteddfod yr Urdd yn rhoi'r cyfle i ddisgyblion gystadlu mewn amryw o gystadlaethau megis unawdau, adrodd, cystadlaethau offerynnol a chystadlaethau grŵp.

Mae 3 rownd yn Eisteddfod yr Urdd.

1. **Eisteddfod Cylch**, fydd eleni yn Ysgol Plasmawr ar ddydd Sadwrn y 7fed o Fawrth. Yn yr Eisteddfod Cylch bydd y disgyblion yn cystadlu yn erbyn ysgolion clwstwr Plasmawr. Bydd yr enillwyr wedyn yn mynd trwy i'r rownd nesaf, sef yr Eisteddfod Sir.
2. **Eisteddfod Sir**, fydd eleni yng Nghanolfan y Celfyddydau, Memo, y Barri, ar ddydd Sadwrn yr 21fed o Fawrth. Yn yr Eisteddfod Sir bydd y disgyblion yn cystadlu yn erbyn ysgolion Caerdydd a Bro Morgannwg. Bydd yr enillwyr wedyn yn mynd i'r rownd nesaf a'r rownd olaf, sef Eisteddfod Genedlaethol yr Urdd.
3. **Eisteddfod Genedlaethol yr Urdd** fydd eleni yn Ynys Mon, yn ystod wythnos Sulgwyn, hanner tymor yr haf. Yn yr Eisteddfod Genedlaethol bydd y disgyblion yn cystadlu yn erbyn ysgolion o Gymru gyfan.

Ymaelodi gyda'r Urdd

Er mwyn cystadlu yn Eisteddfod yr Urdd mae rhaid i'ch plentyn fod yn aelod o'r Urdd. (Rhaid diweddarau aelodaeth bob blwyddyn).

Dyma linc i'r Porth ble fyddwch yn gallu ymaelodi eich plentyn. <https://www.urdd.cymru/cy/ymuno/ymaelodi-dy-hun-dy-blant-neu-deulu-gydar-urdd/>

Cystadlu yn yr Urdd (cystadlaethau unigol)

Yn unol â gweledigaeth yr ysgol, rydym am sicrhau fod pawb sydd am gystadlu yn yr Urdd yn cael y cyfle i wneud.

Fel ysgol, byddwn yn rhoi'r unawdau (canu unigol) a'r darnau llefaru (adrodd unigol) ar gyfrif Teams dosbarthiadau Derbyn i Flwyddyn 6. Byddwn yn cynnwys copi o eiriau'r unawdau a'r llefaru a chlipped sain er mwyn sicrhau bod pob disgybl yn cael y cyfle i ymarfer a dysgu'r darnau. Rydym yn annog y disgyblion i ddysgu'r unawd a'r darn llefaru fel gwaith cartref. Ond byddwn hefyd yn dysgu'r darnau llefaru a'r unawdau i bob disgybl yn yr ysgol.

Fel llynedd, ni fyddwn yn dewis disgyblion i gynrychioli'r ysgol yn yr Eisteddfod Cylch. Yn hytrach, rydym am roi cyfle i bawb sydd am gystadlu yn Eisteddfod yr Urdd i gystadlu yn yr Eisteddfod Cylch. Os fyddwch yn dymuno i'ch plentyn gystadlu yn yr Eisteddfod gofynnwn i chi fel rhieni i'w cofrestru ar y Porth, sef system gofrestru'r Urdd.

<https://www.urdd.cymru/cy/>

Mae croeso i chi gysylltu gyda ni yn yr ysgol ac fe allwn ni eu cofrestru os nad oes mynediad gennych i'r Porth.

Dyddiad cau

Dyddiad cau cofrestru disgyblion i gystadlu yn yr Eisteddfod, yw dydd Lun, y 9fed o Chwefror. Rhaid sicrhau eich bod wedi cofrestru eich plentyn i gystadlu cyn y dyddiad yma, neu raid sicrhau eich bod wedi gofyn i'r ysgol i gofrestru eich plentyn ar y Porth.

Clybiau

Bydd clybiau allgyrsiol yr ysgol yn dechrau nos Lun, y 13eg o Ionawr. Rydym wedi danfon amserlen y clybiau atoch. Mae'r clybiau yn agored i bawb, ond gofynnwn i chi gofrestru eich plentyn ar Parent Pay.

Archebu Cinio

Gofynnwn yn garedig i chi archebu cinio eich plentyn cyn iddyn nhw gyrraedd yr ysgol. Mae modd gwneud hyn wythnos o flaen llaw.

Bore Agored y Feithrin

Rydym yn cynnal bore agored i ddarpar rieni ar ddydd Gwener y 23ain o Ionawr. Bydd cyfle i weld y dosbarth Meithrin a hefyd byddwn yn mynd am dro o gwmpas yr ysgol. Dewch i weld ein continwwm chwarae, yr ardal dysgu awyr agored, y Cwtch, y Nyth a pob dim arall! Croeso mawr i bawb.

Patrwm iaith wythnos nesaf

Dyma batrwm iaith yr wythnos

Byddaf i yn...

Her

Edrychaf ymlaen at...

Fy hoff beth i yn y byd ydy...

Testun trafod yr wythnos

Does dim pwrpas siarad Cymraeg

Cân yr wythnos

Buddug - Unfan

Idiom yr wythnos

Y drwg yn y caws

